



VIŠE OD 12.000 BIVŠIH LOGORAŠA PODNIJELO TUŽBE ZA NAKNADU NEMATERIJALNE ŠTETE

ZENICA - Predsjednik Saveza logoraša Bosne i Hercegovine, Murat Tahirović izjavio je danas da se na sudovima u BiH nalazi oko 12.000 tužbi bivših logoraša za naknadu nematerijalne štete po presudi Međunarodnog suda pravde u Hagu, dok je u pripremi još 5.000 tužbenih zahjeva.

- Prema Republici Srpskoj odnosi se oko 11.200 tužbi, oko 500 tužbi je prema Republici Hrvatskoj, dok je posredstvom Fonda za humanitarno pravo podneseno oko 150 tužbi protiv Republike Srbije, precizirao je Tahirović.

Upravni odbor Saveza logoraša BiH koji je danas u Zenici održao redovnu sjednicu, podsjetio je da ratni zločini ne zastarijevaju i pozvao je bivše logoraše da ubrzaju kompletiranje dokumentacije neophodne za tužbene zahtjeve.

- Imamo kvalitetne advokatske i pravne timove i želimo ovaj proces što prije dovesti kraju kako naši predmeti ne bi skupljali prašinu po ladicama sudova. Savez vodi pregovore oko izmjene Zakona o boračkoj populaciji i Zakona o civilnim žrtvama rata, s ciljem osiguranja boljeg tretmana bivših logoraša, posebno zarobljenih pripadnika Armije BiH i MUP-a, izjavio je Tahirović, podsjetivši da je predložen odštetni iznos od 300 eura po jednom danu provedenom u logoru.

Član Upravnog odbora Saveza logoraša BiH i predsjednik Regionalnog odbora Saveza logoraša za područje Banja Luke, Zijahudin Smajlagić, koji je dobio presudu po tužbu protiv Republike Srpske, rekao je danas da je Ustavnom sudu BiH podnio žalbu na Odluku vlasti u RS koje su njegova novčana potraživanja za vrijeme provedeno u logorima, pretvorile u javni

Tuzbe Logorasa BiH

Autor FENA

Petak, 11 Siječanj 2008 08:01 -

dug.

- Ne sumnjam da ću ostvariti svoja prava koja mi pripadaju za ratni zločin koji je protiv mene učinjen zbog bespravnog zatvaranja u logor. U Regionalnom odboru Saveza logoraša BiH u Banja Luci tužbe protiv RS podnijelo je 816 Hrvata, 685 Bošnjaka, dok su 132 građanina srpske nacionalnosti tužila Federaciju BiH, rekao je Smailagić.

(Fena) bd¼